

Kela[®]

Varrim Suomân tâi Suomâst olgoenâmáid

UÁNIHÁVT JÁ ČIELGÁSÁVT



Siskáldâs

Kela torjuuh almugijkoskâsijn tiilijn	3
Jis tun varriih Suomân	8
Jis tun varriih Suomâst olgoenâmáid	14
Varrimalmottâs já torjui uuccâm	20
Návt Kela palvâl	23

Kela torjuuh almugijkoskâsijn tiilijn

Kela máksá ruđâlii torjuu sierâ eellimtiilijn. Taan tiedettemčáállusist muštâluvvo, moi iävtuiguin puávtáh uázžud Kela torjuid, ko tun varriih Suomân.

Tiedettemčáálus muštâl meiddei, mii tuu sosiaaltorvoin kiävá talle ko varriih meddâl Suomâst.

Tiedettemčáállus loopâst láá tiäduh tast, maht maht varrimist almottuvvoo já maht Kela torjuuhoccojeh.

Tiedettemčáálus muštâl ive 2021 tiileest.



Lasetiäduh viermist já puhelimáin

Kela torjui pirrâ muštâluvvo anarâskielân čujottâsâst
www.kela.fi/anaraskielan

Almugijkoskâsij tiilij pirrâ muštâluvvo tärhibeht Kela suomâkielâlijn siijđoin
www.kela.fi/kansainvaliset-tilanteet



Jis tust láá koččâmušah, puávtáh suáittid palvâlemnumerân
020 634 0200

Maid sosiaaltorvo meerhâš?

Suomâ sosiaaltorvo meerhâš vuogâdovuodâ ovdâmerkkân iäláttuvvâid, pyecceitiipšon já Kela torjuid.

Kela torjuuh láá ovdâmerkkân

- aalmugiäláttâh, táhádâsiäláttâs já eres iäláttâhuázžoi torjuuh
- almos aassâmtoorjâ
- puocâmân lahtojejijee torjuuh
- pargottes ulmuu vuáđutorvo
- uáppee torjuuh
- pärniperruid uáivildum torjuuh.

Kii puáhtá uázžud Kela torjuid?

Puávtâh táválávt uázžud Kela torjuid, jis aasah Suomâst pisovávt tâi poorgah Suomâst tienuuvt, ete pälkki lii ucemustáa suulân 726 eurod mánuppaajeest.

Spiekâstâs lii, jis aasah Suomâst mutâ poorgah nube Euroop union staatâst. Talle jiehk táválávt uážu Kela torjuid.

Ko tun varriih Suomân aassâđ, te torjui uázžumân vaigut tot, ete varriih-uv Suomân

- monnii Tave-enâmist
- monnii Euroop union (EU) tâi Euroop ekonomiakuávlv (Eta) staatâst tâi Sveitsist
- staatâst, moin Suomâst lii sosiaaltorvosopâmuš.

EU-staatah láá

- Suomâ
- Vyelienâme
- Belgia
- Bulgaria
- Espanja
- Irland
- Italia
- Nuorttâriijkâ
- Kreikka
- Kroatia
- Kypros
- Latvia
- Liettua
- Luxemburg
- Malta
- Portugal
- Puola
- Ranska
- Romania
- Ruotâ
- Saksa
- Slovakia
- Slovenia
- Tanska
- Tšekki
- Unkari
- Viro.

Stuorrâ-Britannia iäránij EU:st ive 2020.

Luvvâ lase fáádást:

www.kela.fi/brexit

Eta-staatah láá

- Euroop union staatah
- Island
- Liechtenstein
- Taažâ.

Staatah moiguin Suomâst lii sosiaaltorvosopâmuš láá:

- Australia
- Chile
- India
- Israel
- Kanada (já Quebec)
- Kiina
- Maadâ-Korea
- Ovtâstumstaatah
- Tave-enâmeh.

Torjuu finniimân vaaigut toos lasseen tot, ete varriih-uv Suomân

- pargen tâi irätteijen
- uáppen
- perruujesânin
- vuolgâttum pargen.

Jis tust lii vuoigâdvuotâ Kela hoittám puácuvuotâhádâsân, tun finniih Kela-koortâ.

Mii lii pisovâš aassâm?

Tun aasah Suomâst pisovávt, jis tust lii tääbbin eidusâš aassâmviste já päikki já jis tun oroh ucemustáá pele tuu äägist tääbbin.

Ko tun varriih Suomân, te Kela árvuštâl, ete mon pisovávt tun aasah Suomâst. Árvuštâlmist váldoo huámmášumán tuu olestile. Olestilán vaigutteh ovdâmerkkân čuávuvááh ääših:

- Maacah-uv tun olgoenâmijn maasâd Suomân aassâd?
- Lii-uv tust pargosopâmuš tyejeest, mii pargoo Suomâst?
- Áásá-uv tuu pelikyeimi tâi eres aldaáš perruujeesân Suomâst fastâ?

Jis tun varriih Suomân koskâpuddâsávt, te tust ij lah táválávt vuoigâdvuotâ Kela torjuid. Ovdâmerkkân torvosajeoccest ij lah vuoigâdvuotâ Kela torjuid.

Jis tun varriih Suomân

Pargen Suomân

Tun puávtáh uázžud Kela torjuid, jis poorgah Suomâst.
Talle tun jieh taarbâš aassâđ Suomâst pisovávt.

Tust lii vuoigâdvuotâ Kela torjuid,
jis tuu pälkki lii ucemustáá suulân 726 eurod mánuppaajeest.

Jis tun poorgah Suomâst ucemustáá 6 mánuppaje,
te ust lii vuoigâdvuotâ Kela máksim torjuid
3 mánuppaje ääigi porgâm nuuhâm maņa.

Jis ust lii Suomâst päikkikielâ,
te tun uázuh tipšo almos tiervâsvuotâtipšoost,
táválávt jieijâđ kielâ tiervâsvuotâkuávdáást.
Jis tun puáđáh Suomân paargon já ust ij lah päikkikielâ,
te pivde Kela selvättid, ete lii-uv ust
vuoigâdvuotâ almos tiervâsvuotâhuolättâsân.

Sosiaaltoivosopâmušstaatâin värreijee pargeeh

Suomâ lii toohâm motomij statâiguin sosiaaltoorvon kyeskee
sopâmušâid.

Taah staatah láá

- Australia
- Chile
- Kanada (já Quebec)
- India
- Israel
- Kiina
- Maadâ-Korea
- Ovtâstumstaatah
- Tave-enâmeh.

Sopâmušah kyeskih táválávt iäláttuvváid.
Jis tun puáđáh tain staatâin, te täärhist Kelast,
ete maht sopâmušah vaigutteh tuu sosiaaltoorvon.

Vuolgâttum pargeeh

Jis tuu pargoadeleijee vuolgât tuu Suomân paargon
eres ko EU-staatâst, Eta-staatâst tâi Sveitsist,
te tunjin kyeskih siämmááh njuolgâdusah ko eres pargeid.
Tust lii vuoigâdvuotâ Kela torjuid,
jis tun varriih Suomân pisovávt tâi jis tuu pälkki lii
ucemustáá suulân 726 eurod mánuppaajeest.

Jis tun puáđáh vuolgâttum pargen
nube EU-staatâst, Eta-staatâst tâi Sveitsist,
tun kuulah tuu vuolgâstaatâ sosiaaltoorvon.
Tun uázuh aakuut puácuvođâ vaattâm tipšo Suomâst
siämmái hoddijn ko eres Suomâst ässee ulmuuh,
jis ust lii eurooplâš pyecceetipšokorttâ.
Tun uázuh koortâ tuu vuolgâstaatâst.
Tuu vuolgâstaatâ virgeomâhâš addel tunjin A1-tuodâštus tast,
ete tuu pargoadeleijee lii vuolgâttâm tuu Suomân paargon.

Jis tun puáđáh vuolgâttum pargen staatâst,
moin Suomâst lii sosiaaltoivosopâmuš,
te tun uázuh sopâmušâst mainâšum torjuid vuolgâstaatâst.
Tun puávtáh uázžud eres
ko sopâmušâst mainâšum torjuid Suomâst,
jis tun lah varrim tehi pisovávt tâi tuu pälkki lii
ucemustáá suulân 726 eurod mánuppaajeest.

Porgâmân vuáđuduvvee eres ko Kela sosiaaltorvo

Jis tun poorgah Suomâst,
te tun puávtáh uázžud meid
porgâmân vuáđuduvvee sosiaaltorvo.
Toh láá ovdâmerkkân pargoialáttâh, tiánásân čonnum
pargottesvuotâtoorjâ sehe pargoparttijd
já áámmáttavdáid kullee torjuuh.
Taid máksih priivaat táhádâsfinnoduvah,
pargottesvuotâkaasah já siättuseh.
Kela ij talle määvsi taid.

Eres ko pargeeh

Perruujesâneh

Jis tun varriih Suomân pargee tâi uáppee perruujesânin,
te tun koolgah táválávt aassâđ Suomâst pisovávt,
vâi tun puávtáh uázžud Kela torjuid.

Jis tun lah EU-staatâst, Eta-staatâst tâi Sveitsist
puáttee pargee perruujeessân,
tun puávtáh uázžud pyecceetipšo, pärnilase
já párnái päikkitipšo torjuu,
veikâ tun jieš aasâ Suomâst
tâi veikâ aasah tuše koskâpuddâsávt.

Motomij statâiguin tohhum sosiaaltorvosopâmušah
pyehtih vaiguttid meid perruujesânij sosiaaltoorvon.

Vuolgâttum pargei perruujesâneh pisoh táválávt
vuolgâstaatâ sosiaaltorvoost.

Uáppeeh

Jis tun varriih Suomân eres ko EU-staatâst tuše uápui tiet,
puávtáh uázžud Kela torjuid tuše talle,
jis tuu uápui vuávájum kukkodâh lii ucemustáá 2 ive.
Jieh pyevti kuittâg uázžud puoh Kela torjuid,
tego ovdâmerkkân aassâmtorjuu já enijtorjuu.

EU-staatâin puáttee uáppeeh iä táválávt uážu Kela torjuid.
Tust puáhtá leđe vuoigâdvuotâ Kela torjuid,
jis uápui lasseen poorgah Suomâst.
Tun jieš kuittâg táválávt pyevti uázžud uápputorjuu Suomâst.

Jis tun varriih Suomân uápui tiet, te täärhist Kelast,
puávtáh tun uázžud uápputorjuu.





Kela torjuid lohtâseijee iävtuh

Kela torjuid puáhtá táválávt uázžud ton peeivi ráájist, ko tun varriih Suomân.

Motomeh torjuuh máksojeh kuittâg tuše toid, kiáh láá aassâm Suomâst tiätuääigi ovdil torjuu miedettem.

Taah torjuuh láá ovdâmerkkân

- enijruttâ, ejijruttâ já vaanhimijruttâ
- Kela máksim pargottesvuodâtorvo vuádupeiviruttâ
- Kela iäláttuvah
- paijeel 16-ihásii vâdulâštoorjá.

Motomijd torjuid miedeetdijn váldojeh huámmášumán táhádâspajeh nube EU-staatâst, Eta-staatâst tâi Sveitsist.

Tun puávtáh ovdâmerkkân uázžud enijruudâ, ko lah porgâm Suomâst tâi aassâm Suomâst pisovávt 180 peivid tállân ovdil párnáá rekinistum šoddâmääigi.

Taan ááigán puáhtá tuhhiittid meid ääigi, kuás tun lah aassâm já lamaš puácuvuodâtáhádâsâst nube EU-staatâst, Eta-staatâst tâi Sveitsist.

Jis tun varriih Suomâst olgoenâmáid

Jis tun varriih olgoenâmáid, te almoot tast Kelan, jis tunjin máksoo miinii Kela torjuid.

Almoot Kelan meid, jis tuu tile muttoo, ko tun lah olgoenâmijn.

Muttum puáhtá leđe ovdâmerkkân

- uápui algâtemm tâi lopâtemm
- pargo algâtemm tâi lopâtemm
- nubâstus tuu perâkoskâvuodâin, tegu näimi-iärânem tâi varrim oohtân pelikuoimijn.

Koskâpuddâsâš vâi pisovâš varrim?

Tuu vuoigâdvuodâh Kela torjuid čuávdojeh táválávt ton vuáduđ, ete mon kuhháá tun ááiguh leđe olgoenâmijn. Jis tun ááiguh leđe olgoenâmijn vuálá 6 mánuppaje, te tust lii ton ääigi táválávt vuoigâdvuotâ Kela máksim iäláttuvváid, pärnilasan, enijtorjui já eres pärniperruu torjuid.

Jis tun varriih pisovávt olgoenâmáid, jiehe pyevti innig táválávt uázžud Kela torjuid. Varrim annoo pisovâžžân, jis lii uáivildum, ete tot pištá paijeel 6 mánuppaje. Talle tuu vuoigâdvuotâ Kela torjuid nohá táválávt tállân, ko tun varriih Suomâst. 6 mánuppaje ägirääjist puáhtá spiekâstid, jis tun varriih Suomâst EU-riijkân, Eta-riijkân tâi Sveitsin koskâpuddâsávt.

Ko tun varriih nube staatân, te väälđi čielgâs, ete puávtáh-uv uázžud torjuid tuu uđđâ aassâmstaatâst.

Jis tun poorgah staatâ virgeest, tust lii vuoigâdvuotâ Kela torjuid meid talle, ko aasah olgoenâmijn. Jis tuu perruujesâneh vyelgih fáárun, te sij kalgeh almottid varriimist Kelan.

Meid ovdâmerkkân uáppein já pargoadeleijee vuolgâtemm pargein puáhtá leđe vuoigâdvuotâ Kela torjuid, veikâ sij láá olgoenâmijn paijeel 6 mánuppaje.

Uási ivveest olgoenâmijn

Jis tun aasah olgoenâmijn kiärdulávt paijeel pele ivveest, te tust ij lah táválávt vuoigâdvuotâ Kela torjuid. Ägirääjist puáhtá spiekâstid, jis tun aasah uási ivveest mottoom EU-riijkâst, Eta-riijkâst tâi Sveitsist.

Pargoost olgoenâmijn

Porgâm EU-staatâst, Eta-staatâst tâi Sveitsist

Jis tun algâttah pargo kostnii EU-staatâst, Eta-staatâst tâi Sveitsist, te uánihis-uv porgâm vaaigut tienuuvt, ete tust ij lah innig vuoigâdvuotâ Kela torjuid.

Puávtáh kuittâg uázžud torjuid ton riijkâst, kost tun poorgah. Tun puávtáh uázžud torjuu, veikâ jiehe asâččii ton riijkâst, kost poorgah.

Pargeeh kuleh tuše oovtâ staatâ sosiaaloorvon ain häävild. Te tun jiehe pyevti siämmää ääigi kuullâđ Suomâ sosiaaloorvon, jis tun kuulah monnii eres staatâ sosiaaloorvon.

Räjipargeeh

Räjipargee lii olmooš, kote máccá kiärdulávt jyehi peeivi tâi ucemustáá ohtii ohhoost suu pisovâš aassâmstaatân.

Jis tun poorgah räjiipargen
nube EU-staatâst tâi Eta-staatâst,
te tust lii vuoigâdvuotâ tuu porgâmstaatâ torjuid.
Torjuu uázžumân ij vaaigut tot,
ete mon staatâst tun aasah.

Vuolgâttum pargeeh

Vuolgâttum pargeeh láá ulmuuh,
kiäid syemmilâš pargoadeleijee
lii vuolgâttâm paargon olgoenâmáid.

[Pargokoččom eres ko EU-staatân, Eta-staatân, Sveitsin](#) [tâi sosiaaltorvosopâmušstaatáid](#)

Jis tuu pargoadeleijee vuolgât tuu
paargon vuálá 6 mánuppajan,
te tust lii ain vuoigâdvuotâ Kela torjuid.
Jis tuu pargoadeleijee vuolgât tuu
paargon paijeel 6 mánuppajan,
almoot oovtâst tuu pargoadeleijein
olgoennâm pargoost Kelan.
Almottâs ferttee toohâđ majemustáá,
ko tun lah puátimin maasâđ Suomân.

[Pargokoččom EU-staatân, Eta-staatân tâi Sveitsin](#)

Jis tuu pargoadeleijee vuolgât tuu paargon taid riijkáid,
te tust lii táválávt vuoigâdvuotâ Kela torjuid.

Tuu pargoadeleijee kalga uuccâđ tunjin
läláttâhtorvokuávdáást A1-tuođâštus,

main tun čááitáh nube staatâst,
ete tun kuulah ain Suomâ sosiaaltoorvon.

Lasetiäduid tuođâštus ucâmist tun uážuh
läláttâhtorvokuávdáást (Eläketurvakeskus):

www.etk.fi

[Pargokoččom staatân, moin Suomâst lii sosiaaltorvosopâmuš](#)

Jis tuu pargoadeleijee vuolgât tuu
paargon sosiaaltorvosopâmušstaatân,
te tust lii táválávt vuoigâdvuotâ Kela torjuid.
Pargokoččom puáhtá talle pišteđ paijeel 6 mánuppaje.
Tuu pargoadeleijee kalga uuccâđ tunjin
läláttâhtorvokuávdáást tuođâštus.
Ton vuáđuld Kela totká,
ete puáhtá-uv tunjin ain mäksiđ torjuid.

Eres ko pargeeh

Perruujesâneh

Jis tun varriih olgoenâmáid perruujesânáin
ja ááiguh aassâđ tobbeen enâmustáá 6 mánuppaje,
te tust lii táválávt vuoigâdvuotâ Kela torjuid.

Jis tun varriih ovdâmerkkân uáppee,
vuolgâttum pargee, staatâ virgeulmuu tâi
ovdedemoovtâst pargoost orroo ulmuu perruujesânin,
te tun puávtáh uázžud Kelast torjuid,
veikâ tun asâččih olgoenâmijn paijeel 6 mánuppaje.

Tun koolgah almottid olgoennâm oromist Kelan.
Jis tun varriih EU-riijkân já poorgah tobbeen,
čielgâđ Kelast, puávtáh-uv uázžud Kela torjuid.

Uáppeeh já totkeeh

Tust lii vuoigâdvuotâ Kela torjuid,
veikâ tun opâččih olgoenâmijn paijeel 6 mánuppaje.

Jis tuu uápuh pišteh paijeel 6 mánuppaje
já tun uážuh Kelast uáppuruudâ, te Kela totká,
ete lii-uv tust vuoigâdvuotâ eres Kela torjuid.
Jis tun jieuh uážu Kelast uáppuruudâ,
te almoot olgoeennâm uápuin Kelan.

Jis tun poorgah ennuv jieijâd uápui paaldâst,
pargee njuolgâdusah sâttih kuuskâd tunjin.
Návt lii eromâšávt talle, jis tun lah EU-staatâst.

Mušte almottiđ Kelan pargoost,
maid tun poorgah nube EU-staatâst.
Väaldi meid čielgâs porgâmstaatâ sosiaaltoorvonjuolgâdusâin.

Vuoigâdvuotâ Kela torjuid olgoenâmijn

Jis tust lii vuoigâdvuotâ Suomâ sosiaaltoorvon,
te tun puávtáh uážžud táválávt siämmáid torjuid,
maid tun uážuččih Suomâst.
Olgoenâmáid pyehtih máksid ovdâmerkkân pärnilase,
enijtorjuu já eres pärniperrui torjuid.
Puoh Kela torjuid iä kuittâg määvsi olgoenâmáid.

Eurooplíi pyecceetipšokorttâ

Puávtáh uuccâđ Kelast eurooplíi pyecceetipšokoortâ.
Korttâ lii nuuvta.
Ko tust lii tot,
tun uážuh tipšo aakuut puácuvuotân
EU-staatâst, Eta-staatâst tâi Sveitsist.

Tun puávtáh tiiláđ koortâ viermist čujottâsâst
www.kela.fi/asiointi

Tun puávtáh tiiláđ koortâ viermist meiddei párnásâd.

Tun puávtáh tiiláđ koortâ meiddei palvâlemnumerist
020 692 204.

Iäláttuvâi máksu olgoenâmáid

Jis tun uážuh iäláttuv já varriih pisovávt olgoenâmáid,
Kela máksá tunjin aalmugiäláttâh já peerâiäláttâh
enâmustáá ive ääigi varriimist.

EU-staatáid, Eta-staatáid, Sveitsin tâi
sosiaaltoorvosopâmušstaatáid värrejeije
Kela máksá iäláttuv kuittâg táválávt kuhheeb ääigi.

Pargonavcâttesvuotâiäláttâh máksoo
tuše EU-staatáid, Eta-staatáid tâi Sveitsin.

Táhádâsiäláttuv iä määvsi,
jis tun varriih pisovávt olgoenâmáid.

Pargoiäláttuvâi čoggâšuumest já máksimist olgoenâmáid
uážuh lasetiäđu iäláttâhtorvokuávdáást:

www.etk.fi

Varrimalmottâs já torjui uuccâm

Almoot Kelan, jis

- tun lah varrim Suomân ja uusah torjuid Kelast
- tun varriih koskâpuddâsávt tâi pisovávt olgoenâmáid já uážuh torjuid Kelast
- tun maacah Suomân já tun lah ovdâlist uážžum torjuid Kelast.
- Räähti almottâs Kela viermiášástállâmpalvâlusâst tâi eres Kela palvâlusâst.

Mušte almottiđ varriimist meid
Digi- já aalmugtiätutoimättâhân (oovdiš maistraat).

Ko tun varriih Suomân, almoot jieijâd varrimist meiddei tuu
vyelgimriijkâ virgeomâháid.

Toovâ almottâs já uusâ Kela torjuid viermist:

www.kela.fi/viermist

Täärhist ucâmušâst, ete moh lahtoseh tast kalgeh lede.
Lahtosijd puáhtá toimättiđ viermist.

Tun puávtáh uuccâđ torjuid meid luámáttuvvâin,
mon finnih Kela toimáttuvâst já viermisijđoin:

www.kela.fi/luamattuvah

Jis tun uusah torjuu luámáttuvvâin,
te vuolgât tom poostâ peht Kelan.

Kela postâčujottâs lii

Kela
PL 10
00056 KELA

Ko Kela lii kiedâvuššâm tuu ucâmuš,
te tun uážuh pááikán miärádâs.
Miärádâsâst muštâluvvojeđ torjuu meeri,
vuáđustâsah já máksupeivi.
Tun uážuh miärádâs meid talle,
jis tunjin ij lah miedettum toorjâ.

Jis tust ij lah innig vuoigâdvuotâ
pyecceetâhádâs torjuid Kelast,
te tun jieđ pyevti kevttid eurooplii pyecceetâhádâskoortâ.

Puávtáh tipšod masa puoh Kela-ašijđâd suomâkielân,
ruotâkielân tâi engâlâškielân meiddei puhelimist.
Jis tun jieđ sáárnu suomâkielâ, ruotâkielâ tâi engâlâškielâ,
puávtáh táttuđ Kela-aašij tipšomân tulkkum.
Jis tarbâšah tuulhâ, vääldi ohtâvuodâ Kelain.

Puávtáh meiddei adelid nube ulmui love tipšod Kela-aašijđ
tuu peeleeest.

Lasetiäđuh

Kela Almuđgijkoskâsij aašij kuávdáš addel tiäđu
Suomân tâi olgoenâmáid varrimist:

www.kela.fi/kv-keskus

Tiäđuđ tiervâsvuotâpalvâlusâi kevttimist
Suomâst já olgoenâmijn finnih viermist já šledgâpostáin:

www.eu-terveydenhoito.fi

yhteyspiste@kela.fi

Tiäđuđ Kela torjuin eres kieláid:

www.infofinland.fi

Almoot, jis tuu tile muttoo

Jis tuu eellim muttoo, tot puáhtá vaiguttiđ Kela torjuid. Muttum puáhtá kuoskáđ ovdâmerkkân asâmân, puáđoid, porgâmân tâi perrui.

Mušte almottiđ nubástusâin Kelan. Puávtáh toohâđ tom viermist, puhelimist tâi toimâttuvâst.

Tuu ovdâsvástádâs lii visásmittiđ jieijâđ peeleeest, ete Kelast láá olmâ tiáđuh kevttimnáál. Talle toorjâ máksoo tunjin olmâ stuárusâžžân.

Jis miäradâsâst lii feilâ

Jis Kela miäradâsâst lii tuu mielâst feilâ, puávtáh uuccâđ miäradâsân nubástus.

Tun uážuh miäradâsreeivâ mielđ ravvuid tast, ete maht nubástusoccoo.

Jis tust láá koččâmušah, te väaldi ohtâvuodâ vistig Kelan.



Kela ášástállâmpalvâlusâst viermist tun puávtáh

- uuccâđ torjuid
- vuolgâttid lahtosijđ
- tärhistid jieijâđ ucâmuš tile
- vuolgâttid viestâid
- almottiđ nubástusâin
- lopâttid torjuu.

Návt Kela palvâl

Viermist

Luvvâ Kela torjui pirrâ anarâškielân:
www.kela.fi/anaraskielan

Koijâđ ravvuu:
www.kela.fi/kysy-kelasta

Rekinist torjuu mere:
www.kela.fi/laskurit

Ášástâl viermist:
www.kela.fi/viermist

Viermipalvâlusân kalga čáládâttâđ. Tarbâšah paŋkkitubdâlduvâid tâi moobiilnanodâs.

Toimâttuvâst

Täärhist palvâlemsoojij ohtâvuotâtiáđuid já ávusorroomaagijđ viermist:
www.kela.fi/toimattuvast

Tarbâšah-uv tuulhâ?
Luvvâ lase tulkkum pirrâ:
www.kela.fi/tarbasah-uv-tuulha

Sämikielâliih palvâlusah:
www.kela.fi/saame

Puhelimist

Ávus argâpeeivij 9–16.
Aassâm020 692 210
Almugijkoskâsâš ääših (ávus 10–15).....020 634 0200
Áigâpuátutoorjâ020 692 207
lälâttuvah.....020 692 202
Maassâdpeerrâm.....020 634 4940
Oppâm já viärjukenigâsvuotâ.....020 692 209
Pargottesvuotâ.....020 692 210
Puáccâm já koortah.....020 692 204
Vaanhimvuotâ.....020 692 206
Vajoidittem já vâdulâštorjuuh.....020 692 205

Väärrid ääigi

Puávtáh väridid ääigi suáittimáin puhelinpalvâlusân tâi viermist:
www.kela.fi/varaa-aika
tâi vuolgâtmáin ohtâvuotâväldimpivduu čujottâsân:
saame@kela.fi

Äigiväridem viermist udâsmuvá. Udâsmittem maŋa koolgah tubdâttâttâđ talle ko halijdah väridid ääigi. Tarbâšah tubdâttâttâm várás viermipaŋkkitubdâlduvâid tâi moobiilnanodâs.

Kela anarâškielân

Anarâškielâliih viermisiiđoh:

www.kela.fi/anaraskielan

Anarâškielâliih tiedettemčáálluseh:

Almos aassâmtoorjâ

Áigápuátutoorjâ

läláttuvah já eres torjuuh iäláttâhuázžoi

Oppâm já viärjukenigâsvuotâ

Pargottesvuotâ

Puoccâm já vajoiditem

Pärniperruuh

■ Varrim Suomân tâi Suomâst olgoenâmáid

Anarâškielâlijd tiedettemčáállusijd

puáhtá printtid viermist:

www.kela.fi/saamenkieliset-esitteet